

UGOVOR

o pružanju usluge revizije finansijskih izvještaja Zavoda zdravstvenog osiguranja Kantona Sarajevo za 2017, 2018 i 2019.godinu.

Zaključen u Sarajevu između:

Zavoda zdravstvenog osiguranja Kantona Sarajevo, ul. Ložionička broj 2 (u daljem tekstu Ugovorni organ), kojeg zastupa direktor Mr.sci.oec.prim.spec.dr. Samir Turković

i

PERLA d.o.o. Sarajevo ul. Marka Marulića br.2a (u daljem tekstu Dobavljač) kojeg zastupa Bejtović Remzija, direktor.

PREDMET UGOVORA

Član 1.

Predmet ugovora je regulisanje prava i obaveza između Ugovornog organa i Dobavljača kao izabranog ponuđača u postupku nabavke putem konkurentskog zahtjeva, za pružanje usluge revizije finansijskih izvještaja Zavoda zdravstvenog osiguranja Kantona Sarajevo za 2017, 2018 i 2019. godinu, pokrenut Rješenjem o imenovanju komisije, i odluke o pokretanju postupka broj: 03-08-E.Š.-6164-RK/18 od 16.02.2018. godine, Odluke o izmjeni rješenja broj 03-08-E.Š.-6164-RK/18 od 28.02.2018. godine, Konkurentskim zahtjevom broj 03-08-E.Š.-6164-TDKZ/18 od 16.02.2018. godine, Objavom obavještenja broj 814-7-2-7-3-13/18 od 16.02.2018. godine, Odlukom o izboru broj 03-08-6164-OI/18 od 08.03.2018. godine i ponudom ponuđača broj 01-65/2-18 od 28.02.2018. godine.

Član 2.

Predmet nabavke je pružanje usluge revizije finansijskih izvještaja Zavoda zdravstvenog osiguranja Kantona Sarajevo za 2017, 2018 i 2019. godinu prema specifikaciji iz Konkurentskog zahtjeva za dostavu ponuda broj 03-08-6164-TDKZ/18.

OBAVEZE UGOVORNIH STRANA

Član 3.

Dobavljač se obavezuje izvršiti reviziju finansijskih izvještaja Zavoda zdravstvenog osiguranja Kantona Sarajevo za 2017, 2018 i 2019.godinu koja je predmet ovog ugovora i koja kvalitetom i obimom u svemu odgovara karakteristikama preciziranim u Konkurentskom zahtjevu za dostavu ponuda broj 03-08-E.Š.-6164-TDKZ/18, na način i rokovima regulisanim ovim ugovorom i ponudom Dobavljača.

Dobavljač se obavezuje dostaviti Ugovornom organu:

- nacrt Izvještaja o reviziji finansijskih izvještaja Zavoda zdravstvenog osiguranja Kantona Sarajevo na dan 31.12. za 2017., 2018. i 2019. godine;
- konačni Izvještaj o reviziji finansijskih izvještaja Zavoda zdravstvenog osiguranja Kantona Sarajevo na dan 31.12. za 2017., 2018. i 2019. godine sa nezavisnim revizorskim mišljenjem i Izvještajem o obavljenoj reviziji finansijskih izvještaja;
- Pismo upravi Zavoda zdravstvenog osiguranja Kantona Sarajevo za 2017.,2018. i 2019.godinu.

Handwritten signatures

[Handwritten signature]



Član 4.

Ugovorni organ se obavezuje da od strane Dobavljača primi nacrt Izvještaja, konačni Izvještaj odnosno upravi te iste potvrdi potpisivanjem Izjave o prihvatanju Izvještaja ukoliko isti odgovara uvjerenom kvalitetu i plati ugovorenu cijenu na način i u rokovima određenim u Konkurentskom zahtjevu, ponudi dobavljača i ovom ugovoru.

Član 5.

Cijena usluge – usluge revizije finansijskih izvještaja Zavoda zdravstvenog osiguranja Kantona Sarajevo za 2017, 2018 i 2019. godinu - koja je predmet ovog ugovora ukupno iznosi **35.100,00 KM** (tridesetpethiljadastotinu KM) sa PDV-om u kojoj su sadržani i svi drugi zavisni troškovi odnosno **30.000,00 KM** (tridesethyljada KM) bez PDV-a.

Dobavljač se obavezuje da će uslugu iz člana 1. ovog Ugovora pružiti sukcesivno po jediničnoj cijeni od 10.000,00 KM (bez PDV-a) u skladu sa ponudom na godišnjem nivou.

Član 6.

Pripadajući iznos cijene iz člana 5. ovog ugovora a za godinu koja je revidirana, Ugovorni organ će isplatiti u roku do 60 dana od dana dostavljanja fakture za pružene usluge po završenoj godišnjoj reviziji i dostavljanjem Pisma upravi Zavoda i konačnog Izvještaja o reviziji finansijskih izvještaja Zavoda zdravstvenog osiguranja Kantona Sarajevo na dan 31.12. za godinu koja je revidirana.

ROK ISPORUKE

Član 7.

Dobavljač se obavezuje da će pružiti usluge koje su predmet ovog Ugovora u rokovima kako je navedeno u ponudi ponuđača broj 01-65/2-18 od 28.02.2018. godine tj. da će ispoštovati sljedeće rokove:

- Da će početi sa radom u roku od **1** (jednog) dana, od dana predaje godišnjih finansijskih izvještaja nadležnim institucijama i obavještavanja o predaji istih,
- Da će izraditi nacrt izvještaja u roku od **16** (šesnaest) dana, od dana predaje godišnjih finansijskih izvještaja nadležnim institucijama i obavještavanja o predaji istih,
- Da će izraditi konačni izvještaj u roku od **22** (dvadesetdva) dana, od dana predaje godišnjih finansijskih izvještaja nadležnim institucijama i obavještavanja o predaji istih,
- Da će izraditi pismo upravi u roku od **26** (dvadesetšest) dana, od dana predaje godišnjih finansijskih izvještaja nadležnim institucijama i obavještavanja o predaji istih.

Dobavljač se obavezuje da će ugovorna obaveza koja je predmet ovog ugovora biti okončana u roku do 30 (trideset) kalendarskih dana od dana predaje godišnjih finansijskih izvještaja nadležnim institucijama i obavještenja ugovornog organa o predaji istih dostavljanjem četiri štampana i jednog elektonskog primjerka konačnog izvještaja o izvršenoj reviziji finansijskih izvještaja.

Dobavljač se dodatno obavezuje da će ispoštovati rok angažmana kod ugovornog organa (vrijeme provedeno na terenu) za ukupno trajanje ugovorne obaveze (bez faze predrevizije) izraženo kao zbir svih pojedinačnih sati uposlenih/angažovanih lica koji će biti angažovani za predmet nabavke, u skladu sa tačkom 3.1. alineja t) : od **2304** (dvijethyljadetrivotinečetiri) sata.

Član 8.

Dobavljač se obavezuje da će revizija finansijskih izvještaja za 2018 i 2019 godinu obuhvatiti i fazu predrevizije u trajanju od minimalno 5 do maksimalno 10 radnih dana koja će obuhvatiti period od

[Handwritten signature] 2

[Handwritten signature]
[Handwritten initials]



01.01 do 31.10 tekuće finansijske godine i to u terminu koji odredi Ugovorni organ s rokom izvršenja najkasnije do 31.12. tekuće godine.

Član 9.

Dobavljač ima pravo na produženje ugovornog roka ako je u izvršenju usluge u tom roku bio spriječen izvanrednim događajima koji se nisu mogli predvidjeti u vrijeme zaključenja ugovora.

Izvanrednim događajima se smatraju:

- prirodni događaji koji se smatraju višom silom (poplave, zemljotresi druge prirodne nepogode),
- mjere državnih organa.

Dobavljač je dužan da Ugovorni organ pismeno obavijesti o svojoj namjeri da zbog navedenih okolnosti traži produženje roka.

Član 10.

Ugovorni organ zadržava pravo imenovanja predstavnika Zavoda zdravstvenog osiguranja Kantona Sarajevo u svrhu pripreme i realizacije ugovornih obaveza a u cilju transparentnosti i efikasnosti obavljanja posla.

NAKNADA ŠTETE

Član 11.

Ako Dobavljač zakasni sa izvršenjem usluge, nema pravo na produženje ugovorenog roka zbog okolnosti koje su nastale u vrijeme kada je bio u kašnjenju.

U slučaju neurednog izvršavanja ili zakašnjenja u izvršavanju ugovornih obaveza od strane Dobavljača, a kao rezultat nepažnje Dobavljača ili njegovog osoblja, neovisno da li je nastupila šteta takvim postupanjem, Ugovorni organ ima pravo zaračunati penale za predmetni period na način da za svaku radnju ili propuštanje dužne radnje od strane Dobavljača u ovom smislu iznos ispostavljenih fakture umanjuje za 10%, a najviše u iznosu do 50% ispostavljenih fakture za godinu u kojoj je izvršena revizija.

Izuzetno, umanjjenje može biti i više od 50% ispostavljenih fakture za godinu u kojoj je izvršena revizija i to do vrijednosti stvarne nastale štete (ukoliko je ista nastupila), ako vrijednost iste premašuje iznos 50% ispostavljenih fakture za godinu u kojoj je izvršena revizija.

Član 12.

Ugovorna strana koja skrivljenim ponašanjem ili nemarom dovede do neurednog ispunjenja ili neispunjenja ugovorne obaveze, pa navedeno prouzrokuje štetu drugoj ugovornoj strani, dužna je da štetu naknadi u cijelosti i to u roku od 15 (petnaest dana) od dana postavljenog kompletnog i osnovanog zahtjeva za isplatu naknade.

PRESTANAK UGOVORA

Član 13.

Ugovor prestaje njegovim izvršenjem, odnosno obostranim ispunjenjem ugovornih obaveza ugovornih strana.

[Handwritten signature]

[Handwritten signature]

Član 14.



Ugovor može prestati i prije njegovog izvršenja, u slučaju raskida.

Ugovorni organ može raskinuti ovaj ugovor:

- ako Dobavljač ne izvrši ugovorenu obavezu u pogledu kvaliteta, a koje se odnose na sve faze revizije uključujući i predreviziju za 2018. i 2019. godinu,
- ukoliko se utvrdi da Dobavljač krši zakonske propise u domenu porezne politike, što uključuje direktne i indirektne poreze i ostale javne prihode, a posebno ako za radnike ne vrši izmirivanje obaveza po osnovu doprinosa za zdravstveno osiguranje, u rokovima i na način utvrđen zakonskim propisima,
- ako Ugovorni organ ne bude mogao da izvršava svoje obaveze iz ugovora,
- ako je zaostajanje u vršenju revizije koja je predmet ugovora takvo da može dovesti u pitanje izvršenje ugovora.

Zbog zaostajanja u izvršenju usluge, Ugovorni organ može raskinuti ugovor samo ako je do zaostajanja došlo krivicom Dobavljača.

Član 15.

Ugovorni organ će raskinuti ugovor sa Dobavljačem ukoliko se ustanovi da ponuđena usluga revizije koja je zadovoljila zahtjeve u ponudi, nije jednaka izvršenoj usluzi koja je predmet ugovora.

Dobavljač može da raskine ugovor ako Ugovorni organ usljed vlastite krivice ne izvrši svoje ugovorne obaveze.

Ukoliko Ugovorni organ, skrivljenim ponašanjem, ne izvrši plaćanje u predviđenom roku, dužan je Dobavljaču izvršiti obeštećenje izazvano kašnjenjem u visini od 20% na iznos neplaćene fakture.

Ugovorni organ neće biti u obavezi platiti obeštećenje iz prethodnog stava ukoliko postoje dokazivi razlozi da je kašnjenje sa plaćanjem nastupilo izvan okolnosti na koje je Ugovorni organ mogao utjecati.

U svakom slučaju Dobavljač neće moći raskinuti ugovor bez pisanog poziva na ispunjenje ugovornih obaveza uz minimalan rok od 8 dana za postupanje Ugovornog organa po pozivu.

Ugovor se raskida pismenom izjavom koja se dostavlja drugoj ugovornoj strani. U izjavi mora biti naznačeno po kom osnovu se ugovor raskida

OSTALE ODREDBE

Član 16.

Svi sporovi koji eventualno nastanu iz ovog ugovora rješavat će se međusobnim sporazumom ugovornih strana. Ako se spor ne riješi na taj način, ugovorna strana može se za rješenje obratiti stvarno nadležnom sudu u Sarajevu.

Član 17.

Dobavljač nema pravo zapošljavati, u svrhu izvršenja Ugovora fizička ili pravna lica koja su učestvovala u pripremi tenderske dokumentacije ili su bila u svojstvu člana ili stručnog lica koje je angažovala Komisija za nabavke, najmanje šest mjeseci po zaključenju Ugovora, odnosno od početka realizacije Ugovora.

[Handwritten signature]

[Handwritten signature]

Član 18.

Za sve ono što nije regulisano ovim ugovorom primjenjuju se važeći propisi i poslovni običaji
oblasti predmetnih nabavki i Zakon o obligacionim odnosima.



ZAVRŠNE ODREDBE

Član 19.

Sastavni dio ovog ugovora su:

- Prihvaćena ponuda Dobavljača broj 01-65/2-18 od 28.02.2018. godine.,
- Konkurentski zahtjev broj 03-08-E.Š.-6164-TDKZ/18 od 16.02.2018. godine,
- Odluka o izboru najpovoljnijeg ponuđača broj 03-08-E.Š.-6164-OI/18 od 08.03.2018. godine.

Član 20.

Ukoliko ugovorne strane ne potpišu ugovor na istovjetan datum, danom stupanja na snagu ugovora ima se smatrati kasniji datum potpisa.

Član 21.

Ovaj ugovor zaključen je u četiri (4) istovjetna primjerka od kojih svaka ugovorna strana zadržava po dva (2) primjerka.

DOBAVLJAČ
PERLA d.o.o. Sarajevo

R. Bejtović
Remzija Bejtović



Broj: 01-83/3-18
Datum: 20.03.2018.

UGOVORNI ORGAN
Zavod zdravstvenog osiguranja
Kanton Sarajevo

[Handwritten signature]
Miroslav Turaković
Miroslav Turaković, spec. dr. med. Mir Turković

Broj: 03-08-6164-UG/18
Datum: 19.03.2018. godine.